

## Ho Tsoa Ntoeng ho ea Tlholong



---

### SABATHA MANTSIBOEA

#### **Bakeng sa Boithuto ba Beke Ena Bala:**

Ba-Ef. 6:12, Daniele 10, Esdrase 4:1-5, Josh. 5:13-15, Tšen. 1:12-18, Ba-Kol. 2:15, Ba-Roma 8:37-39.

#### **Teman'a Khopolo:**

“ ‘Se tšabe, monna ea ratoang! Khotso e be ho uena! Tiea pelo, tiea matla!’ ” (Daniele 10:19).

**D**aniele 10 e hlalisa pono ea ho qetela e tsoelang pele ho fihlela 11 le 12. Re joetsoa li sa tloha feela hore pono ena ke ea “tsietsi e kholo” (Dan. 10:1). Ha Daniele 11 e fana ka lintlha ka bophara tsa tsietsi ena, Daniele 10 eona e bontša lehlakore la semoea ‘me e bontša kamor’a lesira la lintoa tse lefatšeng ho loana ntoa e kaholimo ho matla a botho. Ha re ithuta khaolo ena, re tla bona hore ha re rapela, re fetoha karolo ea ntoa ena e kaholimo ho matla a botho ka tsela e nang le litlamorao tse tebileng. Empa ha re bang ntoeng tsa rona; Jesu o kena ntoeng le Satane sebakeng sa rona. Re ithuta hore ntoa ea mapomelo eo re keneng ho eona ha se e khahlanong le matla a lefatše a batho empa e khahlanong le matla a lefifi.

Joalo kaha moapostola Paulose a e beha mengoaha-khoho kmaor’a Daniele: “Hobane ntoa ea rona ha e loane le nama le mali, empa e loana le baholo, le mebuso, le marena a lefifi la lefatše lena, le mee e bolotsana e sebakeng sa leholimo” (Ba-Ef. 6:12). Qetellong, ho hlola ha rona ntoeng ena ho itšetlehile ho Jesu Kreste, eo e leng Eena feela ea hlotseng Satane sefapanong.

*\*Ithute thuto ea beke ena ho lokisetsa Sabatha sa la 14 Tlhakubele .*

## Boitimo le Thapelo, Hang Hape

### **Bala Daniele 10:1–3. Re fumana Daniele a etsa eng hape?**

---

Daniele ha a hlalose mabaka a nako e telele ea ho siama ha hae. Empa bobuelli bo matla ha kaalo bo lokela e be bo susumelitsoe ke boemo ba ba-Juda, ba sa tsao khutla Babilona ho boela Palestina.

### **Bala Esdrase 4:1–5. Ba-Juda ba tobana le liqholotso li fe ho khutleng ha bona?**

---

---

---

Re tseba ho tsoa ho Esdrase 4:1 hore nakong ena ba-Juda ba tobane le bohanyetsi bo matla ha ba leka ho tsosa tempele. ba-Samaria ba romela litlaleho tsa bohata tlung ea borena Persia tse 'nqosang morena ho emisa mosebetsi oa ho aha. Makhatheng a tlokotse tse joalo, Daniele o bua le Molimo hore a susumetse Siruse hore a lese mosebetsi ho tsoela pele.

Nako ena, Daniele o se a atametse lilemo tse mashome a robong. Ha a nahane ka eena empa o nahana ka sechaba sa habo le qholotso eo ba tobaneng le eona. 'Me o tiisetsa thapelong ka libeke tse tharo tse tletseng pele a ka fumana karabo ho tsoa ho Molimo. Ka nako eona ena, moprofeta a ja lijo tse bobebe feela, a qoba lijo tse monate leha e le ho tloa. Ha a khathatseha ka botsitso le chebahalo ea hae, empa o khathatsehile ka boiketlo ba ba-Juda ba habo ba Jerusalema ba bohole ba limaele tse sekete ho eena.

Ha re talima bophelo ba thapelo ba Daniele, re ithuta lithuto tsa bohlokoa. Ea pele, re lokela ho tiisetsa thapelong, leha likopo tsa rona li sa arabelo hang. Ea bobeli, re lokela ho ipha nako ea ho rapella ba bang. Ho na le ntho e khethehileng ka lithapelo tse buellang ba bang. Hopola hore, "Jehova o ile a buseletsa Jobo tseo a neng a lahlehetsoe ke tsona ha a rapella metsoalle ea hae" (Jobo 42:10). Ea boraro, thapelo e sisinya Molimo hore a etse ntho e tiileng e bonahalang. Kahona, a re rapeleng kamehla, mefuta eohle ea lithapelo. Ha re tobane le liteko tse boima bo re sitang, mathata a maholo, liqholotso tse re hlolang, a re iseng meroalo ea rona ho Molimo ka thapelo (Ba-Ef. 6:18).

**Bala Daniele 10:12. See se re bolella eng ka thapelo e le boiphihlelo bo sepheo e leng ho sisinya Molimo hore a etse se seng, ho e-na le ho ba boiphihlelo ba boichebo bo etsang hore re ikutloe re thabetse Molimo?**

## Pono ea Khosana

**Bala Daniele 10:4–9. Ho etsahala eng ka Daniele moo?**

---

---

Ha Daniele a hlalosa maiphihlelo a hae, re sitoa ho lekanya botlotlehi bo hlolang boo a bo bonang. Ponahalo eo ea motho (Dan. 10:5, 6) e khutlisetsa ho “Mor’a motho” ea neng a hlaha ponong ea kahlolo ea leholimo (Dan. 7:13). Seaparo sa Hae sa khauta se hopotsa seaparo sa boprista (Lev. 16:4), e leng se tsoantšang motho enoa le “Morena oa makhotla” a hlhelling a hokahanyoa le sehalalelo se leholimong (Daniel 8). Khauta le eona e amahanngoa le liaparo tsa boprista e le sesupo sa seriti sa borena. Qetellong, ho tsoantša sebopelo sena se kang sa motho le lehalima, mollo, koporo, le lentsoe le matla ho bontša enoa e le ea kaholimo ho botho. Enoa ke ea nang le makhabane a boprista, borena, le bosole. Sebopelo sena hape se bonahala se na le ho tšoana le sa lenyeloi le ileng la hlahella ho Joshua pele ho ntoea ea Jeriko (Josh. 5:13, 14). Ponong, Joshua o bona, “Molaoli oa makhotla a Jehova.” Se thahasellisang ke hore, lentsoe la se-Heberu le tolókiloeng e le “molaoli (sar) mona ke lentsoe le le leng le le tolókiloeng e le “khosana” ha ho buuo ka Mikaele ho Daniele 10:21. Empa papiso e atamelaneng haholo e pakeng tsa Daniele le Johanne.

**Re bona tšoano e fe pakeng tsa pono ea Molimo ho Daniele 10 le e ho Joshua 5:13–15 le Tšenolo 1:12–18?**

---

---

---

---

Ho latela Daniele, ba nang le eena ba tšoaroa ke tšabo e kholo, ba baleha ba ipata, Daniele eena a ilibana a oela fatše. Ponahalo ea Molimo ea mo imela. Feela ho sa natse tšabo eo ea hae, pono ea Daniele e bontša hore Molimo o taolong ea nalane. Efela, ha toro e ntse e phutholoha, re tla bona hore Molimo o fa Daniele ‘mapa oa nalane ea botho ho tloha nakong ea moprofeta ho fihla nakong ea ho thehoa ha ‘muso oa Molimo (Daniele 11 le 12).

**Haeba, joalo kaha re bone ho Daniele makhetlo-khetlo, Molimo a ka boloka nalane ea motho tlas’a taolo, a ka etsa joang ka maphelo a rona ka bo mong?**

## Ho Angoa ke Lenyelo

**Bala Daniele 10:10–19. Ho etsahala'ng lekhethlo le leng le le leng ha lenyelo le ama Daniele?**

---

---

---

---

Moprofeta ha a hloloa ke ho phatsima ha khanya e halalelang. Eaba lenyelo lea hlaha lea mo ama 'me lea mo khothatsa. Ha re bala tleaho ena, bonang hore lenyelo le ama Daniele makhetlo a mararo. Lekhetlo la pele le thusa moprofeta ho ema a utloe mantsoe a khothatso a tsoang leholimong: “ ‘Se tšabe, Daniele; hobane e sa le ka letsatsi la pele leo u phehelletseng pelong ea hao ho utloisisa, le ho ikokobetsa pel'a Molimo oa hao, lipolelo tsa hao li hlile ta utluoa, 'me ke tlile ka baka la lipolelo tsa hau' ” (Dan. 10:12). Thapelo ea Daniele e sisintse maholimo. Ho rona hona e tla e le tiisetso ea hore Molimo o utloa lithapelo tsa rona, e leng khothatso e kholo nakong ea mathata.

Kamo ea bobeli e e fa Daniele matla a ho bua. Moprofeta o tšolla mantsoe a hae pel'a Jehova, a bolela mantsoe a hae a tšabo le boikutlo: “ ‘Moren'a ka, pono e ntšositse, ke felletsoe ke matla. Na mohlanka oa moren'a ka a ka bua joang le moren'a ka? Ebile moo ke felloang ke matla, ke sitoa ke ho ntša moea' ” (Dan. 10:16, 17). Ka hoo, Molimo ha o bue le rona feela; o batla re bule melomo ea rona re mo bolelle boikutlo ba rona, litlhoko le litaba-tabelo.

Kamo ea boraro e mo fa matla. Ha Daniele a elleloa bofokoli ba hae, lenyelo lea mo ama le mo khothatsa ka khotso ea Molimo “ ‘Se tšabe, monna ea ratoang! Khotso e be le uena! Tia pelo, tiea matla!' ” (Dan. 10:19). Hopola hore lenyelo le rometsoe ho Daniele ka lebaka la lithapelo tsa hae, e le ho tla mo fa tlhahiso-leseling le kutloisiso. Ka mantsoe a mang, pono e latelang e khaolo ea 11 e reretsoe ho khothatsa Daniele ka lebaka la tšiamo ea hae le ho tebisa maikutlo ka maemo a renang Jerusalema. Ha re na le Molimo ka lehlakoreng la rona, re ka ba le khotso leha re tobane le mahlomola. Kamo ea Hae ea lerato e re fa matla a ho talima bokamoso ka tšepo.

**“Leholimo le ka ba haufi haholo, ho rona ba maemong a tloaelehileng a bophelo.”— Ellen G. White, *The Desire of Ages*, leq. 48. Ke hangata ha kae u ee u nahana ka katamelano eo leholimo le nang le eona le lefatše? U no ka phela ka tsela e fapaneng joang haeba u ne u lula u hopotse ‘nete ee pelong le kelellong ea hau?’**

## Ntoa e Kholo

### **Bala Daniele 10:20, 21. Ke eng se senoleloang Daniele moo?**

---

---

---

Moromuoa oa leholimo o phetla lesira o senolela Daniele ntoa e sebakeng e etsahalang liketsahalang tsa nalane ea botho. Hang hoba Daniele a qale ho rapela, ho qaleha ntoa ea semoea pakeng tsa leholimo le lefatše. Libopuo tsa leholimo tsa qalella ho loana le morena oa Persia ho lumella ba-Juda ho tsoela pele ka khaho ea tempele. re tseba ho tsoa ho mantsoe a qalang Daniele 10 hore morena oa Persia ke Siruse. Leha ho le joalo, morena oa lefatše ha a le mong ha a ka ke a ba le bohanyetsi bo matla khahlanong le sebopuo sa leholimo. Sena se supa hore kamor’a morena oa enoa oa motho ho na le moromuoa oa moea ea susumetsang Siruse ho emisa ba-Juda ho aha tempele. Ho etsahala ketsahalo e tšoanang ho Ezekiele 28, moo morena oa Tire a tšoantšang Satane, matla a semoea a kamor’a morena oa motse oo. Ka hoo, ha ho makatse hore marena a Persia ao Mikaele a loanang le oona a kenyelletse Satane le manyeloi a hae. Sena se bontša hore bohanyetsi ba batho ba ho tsoa tempele e Jerusalema bo na le bolekanane sebakeng sa meea.

### **Bala Daniele 10:13. Ho hlalosa mofuta o fe oa ntoa moo?**

---

“Ha Satane a ne a leka ka matla ho susumetsa babusi ba ‘muso oa ba-Mede le ba-Persia ho bontša lenyatso ho batho ba Molimo, manyeloi a ile a sebetsa bakeng sa baholehoa bao. Ntoa ena e ne e le eo leholimo lohle le nang le thahasello ho eona. Ka moprofe Daniele, re fuoa lehlasele la ntoa ena e kholo e pakeng tsa makhotla a botle le a makhotla a bokhopo. Gabriele a loana le makhotla a lefifi ka libeke tse tharo, a leka ho loantša tšusumetso e sebetsang kelellong ea Siruse; ‘me pele ntoa e fela, Krete ka sebele a tla ho thusa Gabriele. ‘Khosana ea ‘muso oa ba-Persia e hanyetsane le ‘na ka matsatsi a mashome a mabeli a motso o mong,’ Gabriele a rialo; ‘empa, bonang, Mikaele, khosana e ‘ngoe e kholo, o tllile ho nthusa, ‘me ke hlōtse ho marena a ba-Persia.’ Daniel 10:13. Sohle seo leholimo le neng le ka se etsa bakeng sa batho ba Molimo se ile sa etsoa. Tlhōlo e fihletsoe; makhotla a sera a ile a thibelo matsatsi ohle a Siruse, le matsatsing a mora oa hae Cambyses, ea busitseng lilemo tse ka bang supa le halofo.”—Ellen G. White, *Prophets and Kings*, maq. 571, 572.

## Khosana e Hlōtseng

Mophetoa ea hlhellelseng ka mahetla bukeng ea Daniele ke eo ho qaluoeng ka hore ke “Mor’a Motho” (Dan. 7:13) kapa “Morena oa makhotla” (Dan. 8:11). Qetellong re ithuta hore lebitso la hae ke Mikaele (Dan. 10:12), le bolelang “Ke mang ea kang Molimo?” O tla ho thusa Gabriele ntoeng le morena oa Persia (Dan. 10:13). Lenyeloi le re ke “Mikaele, khosana ea lona” (Dan. 10:21), e leng, khosana ea sechaba sa Molimo. Mikaele o hlaha hamorao bukeng ea Daniele e le Ea emelang sechaba sa Molimo (Dan. 12:1). Ho Juda 9, re ithuta hore Mikaele, eo hape a bitsoang arekanyeloi, o loana le Satane hape o tsosa Moshe. Tšenolo 12:7 e senola hore Mikaele o ema e le molaoli oa lebotho la leholimo. Kahona, Mikaele ha se e mong ha e se Jesu Kreste. Joalo kaha ‘muso oa ba-Persia o na le molaoli, matla a semoea a emeng kamor’a moetapele oa nama, sechaba sa Molimo le sona se na le Mikaele e le eena Molaoli e Moholo, ea kenang ntoeng e kholo ho re hlolela eona.

### **Bala Ba-Kolose 2:15. Jesu o fihletse tlhōlo joang ntoeng e kholo?**

---



---



---

Ha re tobana le makhotla a bokhopo, re ka ba le tumelo ho Jesu mohlōli oa rona. O hlotse Satane qalong ea bosebeletsi ba Hae. Nakong ea bophelo ba Hae lefatšeng, o hlotse Satane lefeelleng ha a ne a mo seolla ka liteko, o loantša mabotho a bademona, e be o lokolla batho matleng a lefifi. Jesu o hlōla bokhopo leha bo ikhakantse kamor’a Petrose ha a ne a leka ho mo nyahamisa hore a se ke a ea Kalfari. Mants'oeng a Hae a ho qetela ho barutupa, Jesu o bua ka lefu la Hae le atametseng e le ntoea, leo pheletso ea lona e tlang ho ba tlhōlo ea mapomelo holim’a Satane: “Joale, e se e le kahlolo ea lefatše lena; joale, morena oa lefatše lena o tla lelekela ntle. ‘Me ‘na, etlare hobane ke nyolleloe lefatšeng, ke tla hulela batho bohle ho ‘na” (Johanne 12:31, 32). Ka nako tse ling ha re qamaka, re bona lintho li hiile li mpefetse haholo. Likhoka, boitš'oaro bo hlephileng, bobolu, le mafu a tlokoma kamahohle. Sera, seo e seng sa nama le mali, se re hlasela hampe feela kamahohle. Empa, hore na lintoa tseo re li loanang li boima ha kae, Jesu oa re loanela ‘me o eme e le Khosana le Moprista oa rona e Moholo ka sehalelisisong sa leholimo.

**Bala Ba-Roma 8:37–39. Ke joang re ka etsang tšepiso ea ho ba bahloli boiphihlelo ba rona bo phelang maphelong a rona a Bokreste?**

## Ho Ithuta Haholoanyane:

“Gabriele o loanne le matla a lefifi ka libeke tse tharo, a leka ho thibela tšusumetso e kelellong ea Siruse. . . . Sohle seo leholimo le neng le ka se etsetsa sechaba sa Molimo se ne se entsoe. Tlhōlo ea e-ba teng qetellong; makhotla a sera a thibelo ka matsatsi ohle a Siruse, le ka matsatsi a mor’a hae Cambyses.”—Ellen G. White, *Prophets and Kings*, leq. 572. “Ke tlotla e ka kang eo Daniele a e bontšoang ke Motlotlehi oa leholimo! O khothatsa mohlanka oa Hae ea thothomelang ‘me o mo tiisetša hore thapelo ea hae e utluoe leholimong. E le ho arabela thapelo eo e matla ha romelo la lenyeloi Gabriele ho ama pelo ea morena oa Persia. Morena enoa o ne a hanne tšusumetso ea Moea oa Molimo nakong ena ea libeke tse tharo tsa ha Daniele a ne a itimme lijo a rapela, empa Khosana ea leholimo, Mikaele, a romelo la ho fetola pelo ea morena enoa ea pelo e thata ho nka khatho ea ho arabela thapelo ea Daniele.”—Ellen G. White, *The Sanctified Life*, leq. 51.

## Lipotso tsa Puisano:

1. Leha re se batho ba pele nalaneng ea Bokreste ho bona ‘nete ena, Baleti ba Letsatsi la Bosupa ke babuelli ba matla ba taba ea “ntoa e kholo,” kapa taba ea hore ‘mopo oohle oa Molimo ke karolo ea ntoa e kholohali pakeng tsa Krete le Satane. ‘Me re lumela hore motho e mong le e mong, o feela e le karolo ea ntoa ena. Ba bang, le bona batho ba lefatše, ba bua ka boteng ba ntoa ea mofuta eo bohle re keneng ho eona. Boiphihlelo ba hau ke bo fe ntoeng e kholo? U e bone e phethahala joang bophelong ba hau? U ithutile eng e ka thusang le ba bang ba ntseng ba loang?
2. Bala Ba-Efese 6:10–18. Bona karaburetso e totobetseng ea sesole eo Paulose a sebelisang. “Litaelo tsa ntoa” tseo re li fuoang moo bakeng sa ntoa e kholo ke li fe?
3. Ho Daniele 10:11, lekhetho la bobeli (sheba Dan. 9:23) Daniele o bitsoa hamudot, kapa “ea ratoang.” Taba ee e re bolella eng ka khokahano e kholo, le ea boikutlo, e teng pakeng tsa leholimo le lefatše? Bona kamoo taba ena ea ‘nete e fapaneng haholo kateng le chalimo ea ba sumeleng ho Molimo o fe kapa o fe matsatsing ana. Chalimo ea Bible e re fa tšepo e fe, re ipapisitse le Daniele?